

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO/TUŽITELJSTVO
ZENIČKO-DOBOJSKOG KANTONA

Broj: T04 0 KT 0063167 25
Zenica, 10.11.2025. godine

OPĆINSKI SUD U ZENICI
- Sudiji za prethodno saslušanje -
ZENICA

Na osnovu odredbe člana 45. stav 2. tačka i) i odredbe člana 241. stav 1. Zakona o krivičnom postupku F BiH p o d i ž e m

O P T U Ž N I C U

Protiv,

I. B. , neosuđivan,

što je,

dana 19.03.2025. godine oko 16,00 sati, na području grada Z., u ulici W., naročito drskim i bezobzirnim ponašanjem i nasiljem ugrozio građanski mir oštećenog M.Č. na način da je došao u dvorište kuće oštećenog i nakon kraćeg verbalnog konflikta sa oštećenim, iz džepa svoje jakne izvadio čakiju, pa svjestan i znajući da nasiljem prema drugom ugrožava građanski mir i da ga može tjelesno ozlijediti, što je i htio, prišao oštećenom i čakijom ga zarezao po lijevoj strani vrata a potom ga zarezao u predjelu lijeve strane grudnog koša uslijed čega se oštećeni sagnuo, nakon čega je oštećenom zadao više udaraca šakama u predjelu glave, leđa i prsa od kojih udaraca je oštećeni pao na zemlju te mu nastavio zadavati udarce po cijelom tijelu, nakon čega se udaljio sa lica mjesta u nepoznatom pravcu, uslijed čega je oštećeni zadobio lake tjelesne povrede u vidu rezne rane na vratu sa lijeve strane i reznu ranu sa lijeve strane grudnog koša,

dakle, naročito drskim i bezobzirnim ponašanjem i nasiljem prema drugom ugrozio građanski mir,

čime bi počinio krivično djelo nasilničko ponašanje iz člana 362. stav 2. u vezi sa stavom 1. KZ F BiH.